

永樂大典

卷九百十八

永樂大典

卷九一八

戎公。召虎佐興衰之略。能助迪於彝教。斯對揚於王休。猶勵壯猶。永綏多社。可高著齋類。葉高定于。故資政殿大學士通奉大夫臨邛郡開國侯魏了翁贈少師制。此道覺此民其誰也。所望數賢。斯人有斯疾其命夫。又翁一箇。顧在馳驅之後。慈聞珍瘁之音。肆珠優恩。幸加違命。其官某。兼數器。言貫九流。天津窮問學之源。賜谷發功名之報。任惟事道。更三紀之勤勞。志在康時。慶兩朝之際會。危言忤世而不懼。正色立朝而不阿。嗟去國之十年。而扶闈者七載。碩人籍寐。永天弗諼。永天弗過。皇極敦言。無有作好。無有作惡。學更善治之新化。慨念先君之舊臣。式迺其歸。以康乃辟。官以尚書之喉舌。位諸執政之股肱。盡護江淮。來旬荆楚。闕爾久勞于外。使之趨造於朝。屢以疾辭。疑而難進。用錫厥蕭之命。忽聞易責之言。天不慈遺。人皆惋憤。雖卿之所守。不待生而存。弗隨死而亡。然政所不通。於何考而問。莫所咨而取。蹙然遺疏。繼以亞師。噫。賢焉然後用之。悵未遂猶詢之中悔。死者如可作也。尚庶幾淑艾於後生。劉後村集陳群贈少師制。朕加惠臣鄰。典懷勛舊。慈遺一老。忽聞耄絕之言。茲曰三孤。特厚飾終之典。哀榮鮮儼。眷注未忘。其官某。知剛知柔。有仁有勇。家傳正學。蓋自紫陽。荷而來。天與素書。不假黃石公之後。七聚遺器。脫虎狼之厄。三邱呼卒。

永樂大典卷九百十八

二

伏鯨鯢之誅。絕口不言其然。鞠躬盡力而已。出藩宣於四國。入唯諾於一堂。爾方慕浴下之耆英。拂衣去矣。朕欲起海濱之大老。側席久之。逼台采而速急流。厭書繡而返初服。頗適澗蔡之趣。奚異地行之倦。苟不期願。遽茲春忽。既輟朝而給聘。且節惠以易名。以勸於國有勞之人。以識用才不盡之愧。噫。圖功巨像。嘗居麟閣之中。為帝者師。斯亦應揚之亞。凜然精爽。歎此龍光。可宋李彌遜竹谿集劉子羽父給贈少師朕稽三代之禮文。法九筵之遺制。大饗上帝。並侑祖宗。用答神明之休。均錫中外之福。某官。材高濟世。望重蓋時。歷嚴近於兩朝。蹈險夷而一節。功存寄閭。有奮不顧身之忠。義在平戎。見誓不俱生之志。是多賢嗣。為時俊良。念風木懷陟。姑之悲。而詩禮本過庭之訓。宜昭異數。進位公師。以旌違遠之恩。以示顯親之意。尚其精爽。不昧欽承。蘇頌濱集祖少師誥詞。初天之於人。無德不報。况今卿士大夫。有立於朝。尊寵於世者。皆其先人積累之厚。茲朕既奉神考。以配上帝。尊親之極。誠禮兼盡。思與群公推廣斯義。以致其孝。其官某。祖某。脩身正家。而聲被於鄉黨。居約履順。而福流於子孫。世有英才。與聞大政。寵列三師之貴。祥隆十世之餘。錫之闕章。以責幽隨。可王初寮先生集宋王履道辭免檢校少師表。臣某言。伏奉御筆手詔。已降指揮。除臣檢

校少師。依前慶遠軍節度使。充上清寶籙宮使兼侍讀。尋具劄子。辭免伏蒙聖慈。特降御筆金花枝詔書。不允。者冒忱辭。冀回漢號。中盼親詔。尚闕俞音。終難誤寵之榮。敢避天威之漬。中謝伏念。臣蚤緣情學。後東異知。再歲乘邊。第守平平之業。一身扶病。迄無赫赫之名。茲滿戍以言旂。分杖開而自弛。遞承訓指。趨進班聯。侍瓊籙之珠庭。備金華之舊列。蓋前此優賢能之禮。乃舉以休疆場之勞。僕昧利以偷安。臣之罪也。知罔功而懇避。天必從之。伏望皇帝陛下。智囑兼明。道心博愛。俯監由衷之請。曲垂遷令之矜。息此微生。許畢桑榆之景。自今餘日。誓殫畝畝之忠。臣無任謝除檢校少師表。臣某言。伏奉制命。除授臣檢校少師。依前慶遠軍節度使。充上清寶籙宮使兼侍讀。尋具陳免。奉御筆批荅。依已降親札。手詔不許辭免。仍不得再有陳請者。撫新疆而滿戍。方適收君之肯。漢大號以疏恩。吏厚來歸之禮。每竭忱辭之貢。祇勤親翰之紆。壺拜龍光。第懷震越。中謝伏念。臣頃繇孤進。受簡異知。牽課文詞。猶曰平生之學。贊襄政事。果無已試之能。會謀帥於封圻。遽受成於帷帳。諸儒扞康。不勝誤國之憂。匹馬渡瀘。敢作全軀之計。殊俗認勿疑之信。懦夫規無事之安。賴聖澤之滂流。格造虞之耆定。包虎皮而索弓天。種落一家。挽天河以洗甲兵。農桑千里。常

永樂大典卷九百十八

三

武既歌於就緒。出車爰賦於勤歸。分若予年。心常居於魏闕。誰期定遠。身復到於酒泉。幸休一障之乘。仍趨九霄之親。陛矧班於左棘。留偃節於中都。進讀通英。曾是論思之地。侍祠寶籙。乃嘗受度之廷。此奉昕朝。載康王色。實以寶藉。具昭經始之艱難。靡室靡家。尚軫向來之落莫。惟時茂渥。疇先欽承。此蓋伏遇皇帝陛下。妙道無方。沈哉不測。福威惟辟。獨操厲世之權。鼓舞盡神。深得馭臣之術。憐此軒墀之舊。地於塞漠之衝。惠以餘生。錫之多祉。臣敢不俯暨晚節。仰報隆私。誦述詩書。歸美一人之德。精勤香火。祝延萬壽之祺。臣無任史浩節奉真隱漫錄除少師謝太上皇帝表。指椰粉而退處。幸逢素懷。冠孤棘以進速。遠份宸渙。解弗復命。凜莫措躬。中謝伏念。臣本之長材。偶逢休運。當紹興更化之日。首被召除。逮學省賜對之初。亟膺知獎。爰從再府。保預官僚。曾無一得之愚。可效萬分之補。屬上聖躬行於揖遜。實徵臣適契於依乘。甫閱期年。躐登次輔。出臨帥閫。入侍經帷。頃復預於鼎司。顧曷勝於柄任。力控歸田之懇。俄為錫第之留。寵光偏及於族姻。春遇迥加於倫等。載惟瑣質。久冒隆私。疾疢交攻。椰蘭是念。已幸扶闈而遂志。敢期增秩以疏榮。佩恩典之過優。覺歸途之增耀。凡今際遇。自昔權輿。戴德至深。隕身莫報。茲蓋伏遇尊號太上皇帝。懋昭文德。

大播堯仁。俯念蓋惟。曲示始終之善。肆加綸綍。蔚爲出處之光。臣敢不遵
即使安少休。疾免過山林之真性。自樂餘年。修香火之勝因。仰祈萬壽。僅
未填於溝壑。庶復望於軒墀。謝除少師表。解榮未復。姑容份社之歸。
錫命遇優。密亞槐庭之峻。感深淪骨。愧溢汗顏。中謝臣聞一心之臣。有三
千。爲治固資於同德。百里之行。半九十。盡忠惟在於晚途。深進退之難全。
實古今之共歎。悻悻或非於大體。栖栖多休於煩言。惟臣畫爨之榮。靡有
秋毫之隙。造膝力祈於休退。溫顏每示於眷留。許解政機。猶真西廂之惟
喔。已運邛邑。史陞左林之班。聯假歷歲。不除之官。舉累朝甚盛之典。復雍
容而至此。紫覆護之使然。一時綸綍之傳。薦紳大息。干載風雲之遇。簡冊
屢書。顧臣何人。幸甚過望。茲蓋伏遇皇帝陛下。睿謀廣大。聖學淵微。備其
久侍於清光。人惟念舊。賜以即安於真館。相亦克終。肆推明恩。昭示殊獎。
及末嬰於沈疾。使歸養以殘骸。而臣自惟執經誦說於潛藩。以至當軸。將
明於初政。凡同遭際。悉已凋零。最爾踰生。歸然獨在。驟逢軒墀之奉。不知
涕泗之流。橫草無功。苟報乾坤之德。食芹欲獻。尚懷試詠之忠。辭少師
表。咸有一德。靡效格天之勳。茲惟三孤。遂極二公之任。既許言旋於故
里。豈當復冒於殊於。輒犯大威。登翰微悃。中謝伏念臣。稟資孱陋。承緒單

永樂大典卷九百十八

平。違太上於史化之初。濫陪篤序。事聖主於利見之日。獲際龍飛。撥路再
塵。露門三入。至於輪奐。賜休於中第。從容召見於內朝。東壁之光。數臨蓬
華。趨章之訪。每遠易菴。恩榮申賁於私庭。錫勞殆無於虛月。矧然薄技。雖
欲勉養。以何施。最爾孤忠。惟以不欺而報上。迫於垂老。敢此乞身。奉負君
親。覲慈面目。顧無勞之可紀。乃席寵之有加。匪惟忝竊之難勝。實亦願濟
之是懼。伏望皇帝陛下。傳詢公議。俯察危衷。念其行世。迭遭寧忍。貪榮而
累國。憐其秉心。懇直不於臨去。而隱情狀。新命於有司。仍改官而即路。名
既遂而身退。幸粗守於前聞。福或過則災生。冀曲全於晚節。第二表
孤首丘而遂願。已載生成。鷓巢林以自安。敢圖陞進。鞅伸前懇。仰冒至仁。
中謝臣聞明主法天。理無私於近列。老臣持已。義敢累於公朝。儻知非獲
以必危。其可畏威。而但已伏念。臣崦嶮逢養。蒲柳凋殘。吾歸於不能。勉強
之時。解官於積有叨。塵之後。雖曰粗遵古人止足之訓。亦豈能蓋累歲貪
戀之羞。僕侍舊恩。復承新渥。一念既忘於戒得。百發盡廢於前功。仰瞻
榜之清光。敢竭拳拳之素悃。伏望皇帝陛下。望明委鑒。聖德垂慈。念厥寵
榮。皆出於乘風雲。依日月之久。當今廉退。少先於先狗。馬填溝壑之前。簡
冊有光。桑榆多幸。願輸誠之甚切。必得請以爲期。學士院奏。師垂除開

府儀同三司未當乞除檢校少師狀 宋衛涇 今月十日晚奉御樂羅
齊元齋御筆一封付院批成肅皇后喪事橋道頓遞使師無可除開府儀
同三司依舊依大宗正事臣檢照實錄恭觀紹興三十二年十月庚辰孝
宗皇帝初政清明綜核名實臣臣察建言謂漢武帝置武功賞官以寵戰
士。故周置勳官開府儀同三司。凡十有一號。以賞勳勞國朝檢校官蓋循唐
舊。本十有九。而自司空至太師為六等。乞下有司討論立為定式。欲自節度
使而上。歷檢校三少三太至太尉。儀同。取其中制。而為降授之序。品格之次。
以待賞功。加恩之律。使官制不至驟躐。人才咸得序遷。行之千萬世。永無
數。已而檢準紹興三十一年五月十五日。給事中黃祖舜等討論典故。稱祖
宗之朝。無有自節使而徑除太尉。歷開府儀同三司者。它未暇悉數。姑以建
炎紹興言之。宗室士傑。自光山軍節度使為檢校少保。又自是為檢校少師。
而後為儀同。一時諸將如劉光世。韓世忠。吳玠。皆以戰多。協濟中興。亦莫不
循次而授。乃知高宗孝宗。杜絕微幸。恪守家法如此。比年冒濫超越。公論實
不謂然。恭惟陛下即位以來。發號施令。莫不祖武。列今。遺虞未靖。磨厲人材
之日。正當愛惜名器。以待有功。師垂身居近。屬風有賢。稱班著已高。義存國
體。使假以歲月。莫惠不馴。致此官。何必一旦得之。然後為榮哉。且陛下所以

永樂大典卷九百十八

五

予之者。恩也。有司之所當守者。法也。臣職守所在。既有上件典故。不敢隱默。
欲望陛下斟酌時宜。遵行舊制。將師垂除授。且依士儀例。超轉檢校少師。庶
幾上以全陛下睦族之恩。下以成師垂執謙之美。予之既當受之。亦安其於
激勸事功之際。不為小補。如蒙聖慈。以為允當。伏乞速賜處分。以憑遵守。撰
述施行。啓劉湖海李師賀少師呂相公啓 儀圖舊德。董正庶官。幹魁柄之
崇。非賢不乂。兼孤保之重。其命維新。其惟某官。命世英奇。格天偉業。其道周
派六虛而不遺。其才宰制萬物而有餘。五龍夾日而飛。首安社稷。八柱承天。
而列正台衡。拱揖而誅賊臣。談笑而安國步。方殫屬驚之虜。屬 昔 名 遠乘
寬發之機。事奪眾言。人為遺恨。付之分陝。夫 年 久 月 名 事 倚 以 長 城。激義烈以
先登。幾銷解肉。却寇攘而遠去。若聽風聲。遺俗復得於傷殘。宿將已為之愧汗。
屬虛元輔。款契淵衷。吉甫為憲。萬邦既覩。文武之任。周公東征。四國。果迺哀
之功。方奮激於英猷。已掃清於大校。神人是賴。宗社永安。某蚤仰下風。嘗
倍不議。臺章交至。尚許乞身。家禍橫流。更蒙屈法。茲大施於河漢。復運綴於
近聯。武王同德。三千。儻與微虛之列。漢家中天。二百。願陪冠鄧之流。恩已厚
於嗟枯。情不勝於賀履。鄭剛中北山集。賀少師啓 入覲龍庭。親承天
璽。叨酬萬敵。禮視三孤。伏惟某官。勁節有常。奇謀多異。英豪特立。豈惟地

永樂大典

卷九一八

氣之所生。忠義不搖。蓋是家風之訓。致破敵如破竹。摧堅若摧枯。惟此殊
 勳。宜蒙異寵。尤天賜達。香隨輿馬之蘭。萬里還營。光動旌旗之色。某叨承
 命綽。破在帥壇。獲觀親對之歸。遂有參承之幸。其為欣快。固既教陳。播芳
 大全集。七伯頌賀。吳少師為節啓。王者之兵。本仁義。方恢闢國之功。天
 下之將。通神明。尤賴杆城之略。折衝於萬里。注睿想於九重。治兵方靖
 於朔庭。求士每聞於東閣。雖條侯之得制。蓋已坐制於敵情。而許歷之請
 趙奢。猶願言於軍事。爰自胡星之彗索。荐經寰海之希騰。率遣表挽弓之
 民。肯潢池弄兵之子。荐為地豕。既汚秦地於神臯。未取鯨鯢。敢覲蜀都之
 沃壤。仇讎容過。疆場多虞。長戟勁弓。雖保山河之固。靡水榆食。但期朝夕
 之安。遠貽當宁之憂。每重登壇之舉。聽鼓鼙而思將帥之任。賜弓矢以專
 征伐之威。爰得偉人。以付全蜀。岷梁境土。坐收莫枕之安。衛霍功名。僅陪
 扶藪之役。究觀古昔。孰與等夷。恭惟某官。天挺沉雄。神資果毅。隱若敵國。
 典刑肅著於家聲。賢於長城。方略力扶於帝室。任既隆於分閫。志尤切於
 請纓。論中北渭上之師。繡帽識山西之將。采詩書禮樂而成其利。有智信
 嚴勇而兼以仁。仰遵神武不狃之威。盡得上兵伐謀之道。棠堯戰轟肅中
 權後勁之儀。鼓鐸獨鈞。致布令陳辭之用。光渠震備。奉醜追奔。細柳營屯

永樂大典卷九百六

但聽亞夫之令。曲梁行陳。執干魏絳之刑。思厲風雲。或如草木。廓清氛祲。
 何止勒燕然之銘。宣暢威靈。固將繼營平之頌。申信賞於山河之誓。參休
 聲於金石之和。不日而成。惟天所授。某乘遵末路。况散下僚。雖從齊魯之
 師儒。頗慕秦梁之節義。金闕通籍。蓬嶽蹈抱。繫之流。油幘充員。無走章馳
 檄之效。久積依劉之願。遂諧御李之榮。實獲我心。云胡不喜。洗心滌慮。儻
 陪鈴下之簪裾。頌德歌功。願備囊中之翰墨。張守毗陵。集回賀。樞使張少
 師啓。伏審光膺鳳檢。進秉鴻樞。擇宣威疆場之勞。茂洪化經綸之業。中
 權增氣。外境懾心。伏惟慶慰。恭以某官。識洞古今。望高夷夏。忠烈貫于金
 石。勲業煥乎旂常。上春素隆。志渴吾猷。於左右。外膺旣訖。理難循次。以衆
 升。用正機衡。誕敷綸綍。庶盡摠於遠略。遂協濟於中興。川陸非遙。莫預造
 門之列。山林倚盡。尚須莫枕之期。慙廢績之未馳。辱榮職之先賜。感銘之
 至。款叙奚殫。懼忠惠先生集。賀除少師啓。伏審盟府第功。路朝奉業。備
 孤林威容之盛。吏師才節制之雄。凡遠聰明。款不忻慶。竊以君臣相遇。古
 今所難。來伊呂於遠方。乃成嘉績。款蕭曹於異代。或為美談。况夫問世之
 偉人。生於一國之巨室。典刑所屬。體貌自崇。恭以某官。盛德庇民。深忠衛
 上。柱石邦家之用。著龜帷之謀。躬致勤勞。是謂周公之元子。志存詩禮。

蓋承魯國之真儒，聿追三代之風。嘗定一王之法規，摹遠矣。文物煥然，爰開公府之華，以席相門之慶。屆時栢葭，追責椒房。史頌典護之勤，茲被龍光之渥。衣赤舄，即登三事之聯。駸馬未馳，宣侯九重之夢。願惟鉛割，風荷陶成。自乘下榻之飛，坐隔趨材之館。曳文二之組，方圖力報於珠恩。聞尺一之書，已覺心傾於美蔭。縉紳淵源，揚少師見訪。啓某共審麻制，渙敷。珠班音寵，屬有嚴於謁禁。致坦賀於賓榮，致意隆謙。持垂臨責，又以集議。不克肅迎，休企之私。考陳莫究，亟憑柔訥。少控謝忱，徑率匪儀。融荃幸甚。劉忠肅公集賀胡少師啓。伏審慈運，公故得謝帝庭，升拜宮師之崇。榮尊國老之重，清風迪古賢人。究出處之歸，全德鎮浮天下。無始終之議。仰大臣之遠觀，均四海以載驩。某官統繁，蹈中靈樞。秉哲誠窮人物之盡。學富古今之儲，當天聖之開符。覽德輝而為祉，恭紫闕步虹蜺。飛光正議鴻詞，倡斯文於禁掖。嘉猷亮節，運大政於天樞。勲烈被于三朝，忠勞萬乎四紀。懶馬鄉錦，仕耽樂於過家。確乎囊封，禮弗容於賜几。冲和天爵，鎮拂世風。固將安車駟馬，以游乎親履清泉。嘉木以適乎嘯詠逍遙。賢者之樂，拱揖聖人之清憲。而不煩方典刑之所在。浩然善養，宜壽祉之無窮。某材稟下中，世親幸會。昔者先子識賢氣於星津，其後諸孤聯榮名於慶閣。

永樂大典卷九百十八

迨茲勉強以就仕，屢辱薦延之大恩。賢哉嘆嗟，固已悟都人之慶。形于歌頌，又將酬國士之知。周益公大全集賀揚少師啓。班集縉紳，廷揚綸綍。冠孤棘外朝之位，旌鉤陳上將之功。注意加隆，折衝彌遠。竊以周尊祈父，俾專督於爪牙。楚命大師，實兼司於環列。蓋事權之所寄，宜爵秩之俱高。斯在熙朝，愈光舊典。恭惟某官，精忠貫日。勁氣凝霜，數卻殺之詩書。備魁甸之文武，蚤逢興運。親結眷知，昔將壇旌動之秋。屢出平於逆隙，暨瀚海波平之際。遂入扈於殿嚴，肅萬旅以無譟。獨一人而有格，熟庸久著。資望至優，將梁三組以垂腰。雖隆異數，奉世十年之居位。且有殊遷，爰稽貳公。洪化之勞，併懋經武。整軍之賞，錫亞師之新命。仍激道之舊權，戰轟運。增責普寧之鎮，土田中衍。益開渝水之封，用光帶纊之盟。式表折常之績，集風瞻威範。通總軍儲，望綏騎於章溝。英陪賀客，矚黃麻於奏邸。徒極歡。除劉俊村集賀鄭少師啓。登冠貳公，袞崇元老。孤檀茸肅，恨無官之可酬。甲第殊庭，欲有謀焉。則就帝學，賴緝熙之益。身章煥佩服之珍，載藉罕聞。縉紳相慶，竊稽列聖待勳。舊之典，非急於公。領使樹之榮，然路國責。極維垣，不過河陽之缺。鈇紫巖位尊，弘化亦惟長樂之麾。墮乃如致身而帝王之師，賜復於父母之國。度越先朝之故實，眷留昭代之耆英。則自生民

以來未有我公之懿。恭惟某官道隆而德峻。業廣而功崇。尊從扶龍而飛天。忠勞鮮儂。不待蕃象而未野望。實已乎。勤相端平。挽回元祐。至今廟堂經濟之老。皆昔翹館招延之餘。十年羨衣錦之歸。一旦就安車之聘。爾則吾后。方欲咨君陳之猷。予其明農。未可遂周公之志。乃超三少之秩。乃擁元戎之旄。腰方玉以垂紳。卜新圖而考室。問祈招於子革。靡所不知。設醴酒於枌生。久而愈敬。雖熙寧遇師。臣之厚。阜陵春舊學之深。以昔草合。有隆無穡。錫公千歲重賡。純嘏之詩。以王萬年。光輔太平之業。某屬馳輶傳聳。聽制麻。方千誓之滿前。顧一爰之獨後。老文學為歌頌。愧非僕之所堪。辭將相作神仙。願於公而有獻。方秋產集。代回鄭少師啓。進陟師垣。誕分使錢。錫帶御府。身垂追琢之章。開第神華。天祿相攸之樂。伏惟某官。伊尹先覺。周公多材。日就月將。績熙聖學於無極。乾旋坤轉。運動化工。而不知。凜吾道之在三。且恩徽之莫二。某欣聞播告。與被光華。國有師臣。是為治道之元氣。君無過舉。將躋斯世於太平。李恕齋扣缶初藁。賀秋壑歸襄。陞少師啓。伏審晉頌鼎軸。峻陟師垣。四國于蕃。一正華夷之限域。貳公弘化。再扶天地之綱常。朝野懽然。宗社幸甚。恭惟某官。三光全氣。幾世一人。裴晉公以相而董師。僅平淮蔡。葛武侯見危而受命。繞保蜀關。惟我公

永樂大典卷九百八

八

之肩乃心。舉天下而身其任。西陵江都。五千七百里。存歷蕃宣。太白我眉。四萬八千年。再頌開拓。封內外兼種。靈之任。陝東西無周召之分。澶淵之鼻雷鳴。群疑自息。鄭國之膏霜。剝萬變不搖。挽世變於長江大河之趨。遏虜勢於疾風暴雨之至。豐功盛烈。上恨無官之可酬。哀衣繡裳。人謂歸功之已晚。聳維師之重望。侈壽母之濟儀。時來則為。年不可及。楫巨川霖旱。歲洪濟時艱。礪泰山帶黃河。於昭封誓。某登龍最早。賀燕惟勤。听黃麻之六經。可勝距踊。轉共鈞之一氣。願觀昇平。播芳大全。某何子。厲賀韓少師。致仕啓。伏審顯膺帝制。峻陟師臣。雖力解於繁機。宜益隆於異數。用眷四朝之舊。永為百辟之宗。恭以某官。蹈溫恭之相。躬火大之業。識代天理。物之休懷。尊主庇民之心。皆當二聖之倚毗。遽以累章而勇退。禮不容於賜。凡樂莫過於還家。惟圓丘之告成。曾安車之還召。避侍祠之禮。遂虛前席之恩。故宜品數之寵加。以慰縉紳之系望。某限拘官守。遯遠門牆。竊欣新命之亟聞。實倍常情而稱慶。劉漫塘集秘閣奉祠謝史丞相兼賀除少師啓。播一德格天之業。誕告多方。冠戴公洪化之聯。丕昭異數。雷風鼓舞。夷夏懽呼。某官。鍾天地之泰和。紹聖賢之絕學。以古之道為帝者師。中原故疆。指擯而無不服。天下大器。談笑而真諸安。由心休休。然有容。故

事綽然餘裕。盛矣一千載而明良相會。信哉十九年而芒月若新。昔位
友維垣。張莫運於遜。噴茲禮成清廟。宜首渙於明綸。猶鬱其瞻。佇申成命。
其。山林下士。場屋陳人。厥初出身。頗亦有志。義之與地。衆雖笑其踽踽。涼
涼居之而安。人亦諒其惘惘。歎汗薦墨。亦忝碑書。不幸而有米薪之
憂。既久而無勿藥之喜。形容變改。意氣衰殘。如陶彭澤之辭歸。而非爲督
郵。如孟襄陽之自弃。而非關明主。從容田里。荏苒歲時。所願全生。比不才
之博樸。宜期得月。同近水之樓臺。籍令清班。郡丞高選。若所選調。既叨脫
選之榮。久矣逸居。更冒均逸之寵。凡茲誤渥。揚若頃言。矧惟退安。蓬戶之
居。其可遙寓。木天之直。一恍控免。萬莫矜從。上光範門之書。不敏雖慙。於
韓愈。作畫錦堂之記。欲言尚擬。於歐公。拊蹈惟深。敦陳周既。李梅亭集代
董侍郎賀丞相除少師啓。 吳避公槐。升魁孤棘。奮庸而宅百揆。輔茂陵
十八載之隆平。寅亮而樹一人。開寶慶億萬年之晏粲。明良交際。動植均
雖恭惟某官。德鉅材全。器闔用博。累世躬行於忠孝。四朝身佩於安危。河
決平原。力挽百川而注海。風搖夏屋。獨高一柱之擎天。盡返齊疆。全歸趙
壁。金甌開暇。從容作商野之霖。玉几導揚。談笑取虞淵之日。與生民而立
極。爲天下以得人。九夷八蠻。服整頓乾坤之手。兩宮二聖。知扶持社稷之

永樂大典卷九百十八

九

心。拜時巖石之瞻。亟出維垣之命。甫揚成漢。遽執攝謙。重違再命。三命之
共。甫轉父師。少師之拜。元圭象冕。上猶恨無官以酬。公夏篆通。梅公豈以
解榮而邀上。惟楓陛比隆於皇祖。則茅封仰紹於先王。西平有子。我有臣
垂光簡冊。周公拜前。魯拜後。濟美鼎彝。某自分泥塗。夙蒙甄治。毫釐千里。
既自投丹筆之書。首尾八年。未易復白圭之玷。茲復坦明之制。但增踴躍
之私。黃麻之似六經。自此尚觀於蕃錫。洪鈞之轉一氣。更祈俯振於餘生。
賀丞相除少師啓。 吳避公槐。升魁師棘。萬世秉定。蓋徑躋萬石之班。
三台色齊。乃退位三孤之長。寸心如此。千載無之。恭惟某官。厚大而裕。和
端凝而洪毅。周拜乎前。魯拜乎後。邁韋平父子之榮。陟格于帝。尹格于天。
績先齊君民之業。自開禧之末。一麾九日。相嘉定之治。十有七年。於我如
浮雲。心本游於淡泊。用汝作霖。兩身爰佩於安危。既難挽鼎湖之龍。乃力
洗成池之日。周勃之誅。呂迎代尚。觀望於軍情。霍光之擁。昭立宣。戮動搖
於庭議。未有獨運於掌上。不煩執事之顏行。爲天下得人。與生民立極。導
憑几之命。而晏然仍几。輔垂簾之政。而適已微。廉三邊絕。赤白之囊。萬國
布黃朱之采。風雷屏息。日月重光。宜神聖建道德之師。見輔弼爲社稷之
寶。比播維垣之命。允乎巖石之瞻。乃執攝謙。力回成漢。弗敢基命。定命。正

永樂大典

卷九一八

倚樹諧。若曰父師少師。何拘等級。姑冠班於洪化。即顯面以經邦。坤載物而承天。蓋得下衷之吉。鼎以木而異火。實存上鉉之虛。九重尊李泌以先生。四海戴子儀爲尚父。黃河如帶山如礪。豈惟難拒於公瑾。青瑤有洞石有竄。恐合紹開於王社。某夙勤環治。自抵簡書。泥塗久隔於朝紳。夢寐尚隨於賀臆。輒憑魚鱗之素。恭布燕雀之私。亮天地而弔一人。諒益基無窮之聞。理陰陽而遂萬物。尚祈澤不獲之夫。啓到洲海。唐仲友賀史丞。相加少師啓。需章得請。漢疏疏榮。位亞維師。益峻南山之節。秩仍真館。俯從綠野之遊。身名俱高。中外胥慶。切以事君不難於進而難於退。論德母取其偏。而取其全。錫馬而畫接者固多。衣錦而夜行者豈免。孰謂甘盤之善學。已同伊尹之告歸。誕保七年。既擅作恭作予之美。或有一德。寧忘禹上爲下之心。優游出處之間。終始明良之遇。恭惟某官。直方道大。忠孝天全。夙由羽翼之功。深契風雲之會。裝中分之神觀。曾莫狀於丹青。衛武公之文章。又能聽其規諫。屢罄經帷之啓沃。再更鼎鉉之獎調。非道不陳於王坐。底隆平之治。有猷則告爾后。初無遠近之殊。上崇休貌之恩。朝倚儀刑之重。願念功成而名遂。將使懦立而貪廉。明詔挽留。彌厲伯夷之操。故鄉適返。游散疎廣之金。冠孤棘以通班。燕祠庭而佚老。黔首愈瞻於巖石。清

風吏激於頽波。萃英俊於翹才。奉從容於別墅。中書校考。已幾星紀之再周。九十猶箴佇見。衮衣之三入。某猥緣來障。阻預掃門。人物衣冠。徒想浴中之事。金錫圭璧。願履淇奧之詩。衛後樂先生集。宋衛湮賀史丞。相除少師啓。伏審願膺鴻冊。祇對龍光。崇列使端。晉檄貳公之峻。衍封邑賦。益昭異數之隆。慶溢昕庭。驪騰率土。恭惟某官。識窮今古。身佩安危。獨運廟堂。得蚤正素定之策。再扶社稷。增重熙累洽之休。國無危疑。人用靜一。迺若茂陵。儕祔藏清廟之多儀。悉繇盛德感通。輯洪文之秘寶。所宜褒表。以揚聽聞。然昔拜師壇。嘗控免情詞之懇切。而今長孤特。詎足爲位望之重。輕蓋上慰於前靈。亦下存於舊典。不可辭者。其以是乎。功更藉於祗歡。踰分陽二十四考之盛。道愈光於寅亮。恢周家八百餘年之基。某隱約自安。尊瞻不替。屬聆明制。倍激忻悌。和堯民擊壤之歌。實均舞蹈。勒唐士齊天之頌。尚獲形容。王初察先生集。辭免檢校少師劄子。臣。今月十八日。準入內內侍省。發來金字牌。遞伏蒙聖恩。賜臣御筆金花枝。詔書。已降指揮。除臣檢校少師。依前慶遠軍節度使。充上清寶籙宮使。兼侍讀。者。聞命兢競。不知所措。伏念臣。奮自書生。誤膺寄任。二年塞外。莫補毫分。既無赫赫疆理之功。獨謹容容柔拊之策。雖欲捐軀。天石圖報。恩私而天威下臨。遠

陸自肅。因功弗績。火愧空瑱。已荷矜憐。許其罷戍。方投誠君父。析印使安。百口徘徊。一身廢病。所期逃伏。詎敢僥踰。忽拜雲章。具形龍獎。矧茲視稼。實首三孤。經幄邃嚴。祠庭祕近。皆非臣愚所可叨冒。伏望廢慈。追寢成命。特降處分。檢會臣前奏。換授階官。除臣一員在外官觀。不特俯安於私。分庶幾旁協於公言。臣無任考古質疑論史記所載。父師少師。非箕子比。干尚書徵子篇曰。徵子若曰。父師少師。殷其弗或亂。正四方。孔安國注。父師。太師。二公。箕子也。少師。孤卿。比干也。反史記。殷紀。乃云。紂淫亂不止。徵子數諫不聽。與太師少師謀。遂去。比干曰。為人臣者。不得以死爭。乃強諫。紂剖比干心。箕子懼。乃佯狂為奴。紂又囚之。殺之。太師少師。乃持其祭樂器奔周。至周。紀又云。紂殺比干。囚箕子。太師疵。少師強。抱其樂器奔周。又宋世家。徵子數諫。紂不聽。欲死之。及去。未能自決。乃問於太師少師。箕子被髮佯狂為奴。比干諫。紂剖其心。太師少師。乃勸徵子去。遂行。注家但云。時比干已死。而云少師者。似誤。據史記三處。皆以太師少師。即非箕子比干。獨周紀。明言太師名疵。少師名強。漢古今人表。亦何有太師疵。少師強之名。殊與安國不合。切為二子。同武帝時人。何以所見異。而言不同。歟。又本朝蘇子由作古史。乃從安國說。劉道原作通鑑外紀。又從馬遷說。

永樂大典卷九百八

二公乃我家巨儒。各主一說。未知孰為至當。燦韓魏公安陽集。寄致政歐陽少師。獨步文章世孰先。直聲孤節亦無前。欲知退足高千古。請視經猶疾五年。在我光陰長更樂。扶天功業去如捐。西湖風月誰為伴。笑許當時處士賢。次韻谷致政趙少師感懷。羨君朝夕挹浮丘。應笑吾曹窘若囚。塵外有誰攀逸駕。壺中何處着閑愁。心休已得天真樂。身退猶存國事憂。積善由來神所勞。坐膺全福不須求。寄致政趙少師。兩曾擊日上高天。遠脫浮榮請退堅。龍殿大邦方異禮。確中前壘甫踰年。三師共仰青宮貴。四海皆稱白傅賢。自顧衰殘歸未得。幾時平地接神仙。又寄二闕。月榭風亭勝雅名。主公閑適愈多情。芳樽屢酌瀛州上。誰聽霓裳散序聲。到處園亭列畫屏。四時如只在仙扁。歸來便是無為樂。不必重筮道德經。趙清獻公集。聞致政趙少師。樂入境。寄獻。我公優暇若神仙。八十高齡眾所賢。政府昔同依一紀。留封今別又三年。及時和氣來吳國。度曲薰風入舜絃。昨日清臺應密奏。老人星照浙西天。次韻程給事寄獻趙少師。暮春船舫浙西州。且喜樽前兩白頭。蓬閣屢傳賓榻解。清江深阻故人遊。疑眸燕集踰天速。屈指光陰若箭流。賴有詩筒并驛使。往還金玉共賡酬。寄酬致政趙少師五首。風荷公知獨久要。政堂平日幸為

傳新篇屢拜金瓊賜。千里同風不為遠。明月驚人為暗投。珍函開發晚
光浮。五章麗句真高唱。所得過於萬戶侯。雲濤朝暮湖山勝。曾伴仙翁
爛熳遊。別後瞻思開屈指。歲華如箭已三秋。短書臨發意徘徊。寒夜霜
晴上月臺。淮水漱江天共遠。舉頭唯見鴈南來。天台鴈蕩去尋真。往復
秋冬過七司。不是君恩山岳重。肯教歸作自由身。次林希喜趙少師禁
遊杭。維嶽生台輔。於時正典刑。我嘗同政府。公早謝明庭。官貴躋三少
身閑越八齡。所難唯壽筭。豈易是康寧。求舊心猶壯。尋幽足更停。宋都俄
暫別。吳語喜重聽。宗契今逾厚。交情久可銘。攜辭上詠物。吐屑妙談經。嵐
色迎紅旆。湖光動綠舲。游名多萬壁。燕席板張屏。忽遇瀛洲客。新辭使者
星。承恩來玉陛。在事傍沙汀。厭賞塵中景。思登野外亭。愛忘嘉意重。溢美
雅章形。叙遠才超絕。搜奇思杳冥。道中寧久去。歸路入雲青。上趙少師
詩。義高德厚賢在躬。進榮退美光初終。越有神明相元功。疾憂之外康
寧中。乃春乃顧爰徂東。徒御雖寡人望雄。其高可仰厚可宗。茲行允美江
淮風。父老相呼告兒童。三朝無事擊厥忠。公謀公惠世所蒙。肆安於賈田
安農。溫水啟體食飽膏。小探大竊消毒函。州牢縣獄固多空。歡心和氣成
年豐。汝曹雖族念所從。汝心汝貌加愛恭。新蒸勿米米勿春。亟歌屢舞馳

永樂大典卷九百八

省公。有人昔與公車逢。汝陰穎尾洛陽高山有迹。芳水有瓌水之鶴。芳山
之松。一朝賜號道遠翁。馬資僕賞官與供。汝曹努力吾老癯。公若再來勤
華宮。蘇穎濱集趙少師自南都訪歐陽少師於穎州留西湖久之作詩獻
歐陽公。公居穎水上。德與穎水清。身閑道轉勝。內足無復營。昔富交
遊。開門坐常盈。逸居萬事樂。獨恨無友生。汝穎亦多士。後來非老成。趙公
平生舊。情好均弟兄。少年結意氣。晚歲齊功名。携手踐廊廟。躋足辭鈞衡。
倘伴里閭間。脫畧世俗榮。興來忽命駕。一往千里輕。白髮儼相映。元勳各
呼聲。人生會面難。此會有餘情。遨遊西湖中。仲夏草木榮。壺觴列四坐。歌
舞羅前楹。畫舫極汜沂。肩輿竝蓬迎。掉進鳧鴨亂。樂作蟲魚驚。近寺駢履
迹。高臺吹笑聲。往事語京洛。餘歡發吟簾。拳拳主人厚。款款來客誠。此樂
有時盡。此好何由傾。蘇東坡文集和南都趙少師。富貴功名已兩忘。望
高高華臺已相。還家做似家。莊子定策忠於漢。霍光。遠訪交親情益重。共
論詩酒興偏長。園亭離日休車馬。却悔多年滯廟堂。寄汝陰少師。得
時行道善。知終猛退如公世罕逢。擲棄浮名同故疾。保全高節似寒松。文
章千古進謀諳。勲業三朝鍊鼎鍾。見說新堂頻燕會。故時賓客定相容。公
昔見約。其時頓上相。身事世有志。已足以休。和歐陽少師寄趙少師

永樂大典 卷九一八

次韻 未門有遠客。千里未燕雀。公家冷如水。百呼無一諾。平生親友半
遠遊。公雖不怪旁人愕。世事如今臘酒釀。交情自古春雲薄。二公凜凜和
非同。時昔心親豈貌從。次韻詩心親如貌故白髮相映松間鶴清句更干
剛宜表鴻。何日揚雄一屢足。漢曰。碑居岷山之陽。有此一丘。有曰一室。却
追范蠡五湖中。坡史記范蠡去汝為舟遊五湖曾筆元豐類藁寄致觀文
歐陽少師固辭寵祿歸就休閑進退之宜四方所望 四海文章傑。一作
伯三朝社稷臣。功名垂竹帛。風義動簪紳。此道推先覺。諸儒出後塵。忘機
心皎皎。樂善意循循。大畧才超古。昌言勇絕人。抗懷輕版冕。滌懇謝陶鈞
耕稼歸華野。吹漁返渭濱。五年清興屬。一日壯圖伸。北闕恩知舊。東宮命
數新。鸞鳳開羽翼。驥駟放精神。曠達林中趣。高閒物外身。揮金延故老。置
驛候嘉賓。主當西湖月。句留潁水春。露寒消鶴怨。沙靜見鷗馴。酒熟誇浮
嘍。書成感獲麟。激昂殊愛曉。冲淡亦松親。龍卧傾時望。鴻冥聳士倫。少休
均逸豫。獨往異沉淪。策畫咨詢急。儀刑矯想頻。應須協龜筮。更起為生民。
章數玉堂集次韻和君既會趙叔平少師 黃髮道途並舊臣。燕間如意
占先春。成龍天外惟三友。言時。翰林。元味。先已往。和雲筵中止數人。昔
日薦才聞最課。當年誦賦得魁倫。予嘗使河北。嘗薦舒之十朝。黃髮中。預

永樂大典卷九百十八

十三

禮部考官。得奉仁程。又為天下第一。會須共作遊河侶。五老星飛事吏新。
予近吾老未得。湖宜賦亦有官。觀之清沈氏三先生集沈途七言奉寄三
衛趙少師 浮石山前十里松。道遠誰在白雲中。孔先蚤上三公印。衛武
終為百歲翁。禪客方談無上道。史官空記太平功。昔年翹館青衫客。非佛
非心江水東。張舜民畫墁集上穎昌韓少師丞相兄弟 五福猶來萃一
門。歲寒方始見松筠。白頭再喜逢知己。青眼重開為故人。當日八龍同考
友。于今二阮卜比鄰。莫年不作三湘客。猶欲生還一吐茵。啓劉湖海少師
賦偶 元齡居於有唐。安道仕於我宋。王起石文元齡年遊 齊士作
人見明

永樂大典卷之九百十八